



---

Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba  
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-04-488/22  
Brčko, 20.04.2022. godine

### SAOPŠTENJE ZA JAVNOST

## **VIJEĆE APELACIONOG SUDA BRČKO DISTRIKTA BiH DONIJELO PRESUDU U KRIVIČNOM PREDMETU OTMICE I UBISTVA EDINA ZEJĆIREVIĆA**

U krivičnom predmetu koji se vodi zbog otmice i ubistva Edina Zejćirevića iz Čelića, Vijeće Apelacionog suda Brčko distrikta BiH dana 17.03.2022. godine donijelo je odluku povodom izjavljenih žalbi optuženih, branilaca optuženih i Tužilaštva Brčko distrikta BiH.

Vijeće Apelacionog suda Brčko distrikta BiH drugostepenom presudom broj 96 0 K 127122 22 Kž 12 od 17.03.2022. godine odbilo je kao neosnovane žalbe Tužilaštva Brčko distrikta Bosne i Hercegovine, optuženog Suana Halilovića i njegovog branioca Osmana Mulahalilovića, advokata iz Brčkog, optuženog Samida Šabanovića i njegovog branioca Siniše Jovanovića, advokata iz Brčkog, optuženog Nihada Hukića i njegovog branioca Dragana Oparnice, advokata iz Brčkog, a djelimično je uvažilo žalbe optuženog Suvada Djedovića i njegovog branioca Mirjane Mrđen, advokata iz Brčkog, te je preinačilo presudu Osnovnog suda Brčko distrikta Bosne i Hercegovine, broj 96 0 K 127122 20 K od 02.09.2021. godine, u pogledu odluke o kazni.

Prvostepena presuda Osnovnog suda Brčko distrikta je preinačena u odnosu na optuženog Suvada Djedovića, a po službenoj dužnosti i u odnosu na optuženog Nihada Hukića, tako što je Vijeće Apelacionog suda Brčko distrikta BiH optuženog Nihada Hukića, zbog počinjenja krivičnog djela otmice iz člana 177. stav (2) u vezi sa stavom (1) i ubistva iz člana 163. stav (2) tačka 1., sve u vezi sa odredbama člana 31. i 54. stav (2) tačka a. Krivičnog zakona Brčko distrikta BiH osudilo na jedinstvenu kaznu dugotrajnog zatvora u trajanju od 28 (dvadeset osam) godina, a optuženog Suvada Djedovića je zbog počinjenja krivičnog djela otmice iz člana 177. stav (2) u vezi sa stavom (1) i ubistva iz člana 163. stav (2) tačka 1., sve u vezi sa odredbama člana 31. i 54. stav (2) tačka a. Krivičnog zakona Brčko distrikta BiH osudilo na jedinstvenu kaznu dugotrajnog zatvora u trajanju od 26 (dvadeset šest) godina. S obzirom da su žalbe ostalih optuženih i njihovih branilaca odbijene, prvostepena presuda je ostala nepromijenjena u tom dijelu, te je Suan Halilović pravosnažno osuđen na jedinstvenu kaznu dugotrajnog zatvora u trajanju od 36 godina zatvora, a Samid Šabanović na kaznu zatvora u trajanju od 20 godina, što je i maksimalna kazna koja se ovom optuženom mogla

izreći s obzirom na to da u vrijeme izvršenja krivičnih djela nije imao navršenih 21 godinu života.

Podsjećamo, prvostepenom presudom Osnovnog suda Brčko distrikta BiH optuženi u odnosu na koje je preinačena prvostepena presuda u pogledu odluke o kazni, su oglašeni krivim za krivična djela otmice iz člana 177. stav (2) u vezi sa stavom (1) i ubistva iz člana 163. stav (2) tačka 1. Krivičnog zakona Brčko distrikta BiH, te je Nihad Hukić ranije bio osuđen na jedinstvenu kaznu dugotrajnog zatvora u trajanju od 32 (trideset dvije) godine zatvora, a Suvad Đedović na jedinstvenu kaznu dugotrajnog zatvora u trajanju od 30 (trideset) godina zatvora.

POMOĆNIK SEKRETARA/PORTPAROL  
PRAVOSUDNE KOMISIJE

Dejan Nišić